

Jahresbericht 2021

Gschätztli Versammlig ich kumma zum Jahresbericht vu da Aktiva.

Trainingsbetrieb

ZSaions händ mer wieder mit amana Kick Off im letschta November gestartet.

Dasmohl sind mer in Säntispark go bada und sauniera. Die wilda Junga sind uf Bahn go rutscha bis fascht Löcher in da Badhosa kaah händ. Die Ältera händ ihri Muatprob im Kaltwasserteich absolviert. Nochher häm er der glungni Obig bim ah gmütlicha zNacht usklinga looh.

In da Wintermonat ist dä Trainingsbetrieb durch Covid-Verordnig erheblich Ihgschränkt gsih. Glih amohl händ nu die junga Schwinger bis Johrgang 2001 oder jünger wieder törfa treniera. Denn isch die Regla vu Profi- und Laiaschwinger kooh. Profi händ törfa trainierte und Laia nit. Ih meina die Unterscheidig isch nit gad förderlich gsih für Stimmig in üsara Kreisa.

Die Trainings wo händ könne duragführt werde sind guat bsuacht gsih.

Vorallem üsi Jüngschta machand au Freud. Sie sind immer voll bir Sach oder kömmand au goh helfa, wenn ma sie brucht.

Resultat

Us bekannta Gründ hän sich der Ahfang vur Schwingsaison verzögarat.

An einem vu da ersta Rangschwinga am Rüfali-Schwinget ahfangs Juli in Untervarz händ der Marc, der Hochi, der Enrico und Corsin sehr guat Leistiga zeigt.

Denn isch den scho mit Kranzfeschter losganga.

Kranzerfolg hämer folgendi kaah:

Am Glarner-Bündner

Mit 56.50 Punkt im Rang 6d. der Fontana Michi mit am 2. Kranzgwinn.

Mit 56.25 Punkt im Rang 7b der Jörger Marc als duranda Gast vum Schwingclub Ems

Am Mitteländischa im Bernbiet

Mit 56.75 Punkt im Rang 5h der Jörger Marc.

Am Bündner-Glarner

Mit 57.00 Punkt im Rang 3a der Hochi. Der Altmeister Hochi händ nu könnä im 4. Gang und denn no im Schlussgang vum Leuppi Samir bremst werda.

Der Joos Enrico häd am Bündner-Glarner im Sertig sin erste Kranzgewinn realisiert. Mit anra suvaräna Leischtig und anara Punktzahl vu 56.50 im Rang 5g hät er törfa unter tosendem Applaus im Feschzelt vor Ehradame tretta.

Will der Enrico sus au no brilliert häd kömmand mer Nochher bih da Ehriga no durf zurugg.

Nomohl Herzliche Gratulation allna für die tolla Leischtiga.

Überträge zu da Aktiva uf nägst Saison tüand

Walser Aaron
Hassler Laurin
Wisler Michael

Herzlich Willkomma bih da Aktiva

Rücktritt

Leider hät der Held Florian sin Rücktritt vum Schwingsport bekannt geh. Lieba Florian

Herzliche Dank für die toll Kammeradschaft während dinara Aktivzyt und alles Guati für Zuakunft. Mir hoffand, dass du dich trotzdem wieterhin aktiv am Clubleba beteiligsch oder als Funktionär am Schwingsport erhalte blibsch.

Überreichen von Präsent an Held Florian

Ehriga Trainingsfliess und Enrico Joos Neukranzer

Die meishta Trainings händ bsuacht:

-Joos Enrico	28 besuchta Trainings
-Schlegel Jamie	21 bsuachta Trainings
-Adank Luca	18 bsuachta Trainings

Vorschau

Witerhin wird jeda Donschtig ah Training für da ganz Kanton in Chur durchgeführt. Am Zyschtig isch amigs in Untervaz und Cazis Training.

Daten / Info

Im Dezember findet wieder as NOS Trainingslager in Wiefelda statt. Dä NOS Intensivtrainings am Fritig in Schänis und Wiefälad händ au scho wieder ahgfanga. An folgendi Ussekantonalen kömmer gooh:

AP,SG,SH

Berg: Rigi, Schwarzsee und Wiessastei.

Abschluss

Ah dera Stell herzliche Dank an alli wo mih die verganga Saions unterstützt händ. Insbesondere au mina Vorstandskamerada für die guat Zemaarbet.

Ich wünsch allna Clubmitglieder fürs nögscht Johr guati Gsundheit und da Aktiva ah erfolgrichi und unfallfrei Saison.

Zum Abschluss der allsitz beliebt Film mit üsarna Schwinger.

Chur, November 2021

Technischer Leiter / Toni Rettich